



## **Komunikadu Imprensa**

**14 Janeiru 2013**

### **JSMP halo audiénsia ho Mídia sira iha Timor-Leste**

Hahu ohin 14 Janeiru 2013 JSMP, sei halo audiénsia ho mídia sira tantu mídia eletróniku no mídia imprensa iha Timor-Leste.

Objetivu prinsipál husi audiénsia ne'e mak atu hametin diak liu tan relasaun entre JSMP ho Mídia sira no iha tempu hanesan atu hato'o agredesimentu no apresiasaun ba apoiu tomak ne'ebé mídia sira halo hodi kontribui ba servisu ne'ebé JSMP halo durante tinan barak nia laran. Aleinde ne'e mos atu husu nafatin apoiu hodi kontinua fo apoiu ba JSMP hodi bele habelar informasaun ba públiku, liu-liu ba sira ne'ebé la bele asesu ba informasaun.

*“JSMP fiar katak papel mídia no JSMP nian hanesan, liu-liu iha aspeitu atu hametin demokrasia no justisa iha Timor Leste, tanba ne'e audiénsia sira hanesan ne'e importante atu hametin liu tan relasaun entre JSMP ho mídia sira ne'ebé nu'udar pilar importante hodi kontinua haklaken informasaun ba públiku, ”* dehan Diretór Ezekitivu JSMP, Luis de Oliveira Sampaio.

JSMP fiar katak ho apoiu tomak husi mídia sira iha Timor-Leste, públiku sei hatene kona-ba progresu no dezafius saída mak akontese iha nasaun ida ne'e, no oinsá públiku bele partisipa iha prosesu desenvolvimentu liu-liu iha prosesu desenvolvimentu setór justisa nian.

Atu hetan informasaun klaru liu tan bele kontaktu direktamente ba:

Luis de Oliveira Sampaio  
Diretór Ezekitivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
Telefone: 3323883/77295795  
website: [www.jsmp.tl](http://www.jsmp.tl)